

毛

詩

原

解

毛詩原解卷三十四

閔予小子之什

自此至般凡十一篇

閔予小子。遭家不造。叶嬭嬭。葉在疚。叶於乎皇考。叶未

世克孝。叶念茲皇祖。叶陟降庭止。叶維予小子。夙夜

敬止。於乎皇王。繼序思不忘。

古序曰。閔予小子。嗣王朝於廟也。○此成王既免喪。

而見於先王廟之詩。以下四篇。成王守成之事。而詩

多裁自周公。借祖考之靈光。訓嗣王。故告於廟。後世

遂以登歌。昭功德。爲憲章。故皆爲頌。○章悲閔哉。

子遭皇考新喪。王業草創。嬛嬛失怙。在憂病之中。於
乎皇考。終身克孝。以思念皇祖。一陟一降。宛然見行
事於家庭。今予小子嗣服。懼弗克孝。夙興夜寐。必恭
敬止。於乎皇王。予亦欲承繼此序。不忘耳。○不造。未
就也。嬛嬛猶煢煢無依也。庭宮庭也。皇王兼指祖考
也。

閔予小子一章十一句

訪予落止。率時昭考。於乎悠哉。

叶

朕未有艾。

叶

將予就

勛之。

叶

繼猶判渙。維予小子。不堪家多難。

去聲

陟降厥家。

叶

休矣皇考。

叶

可以保明其身。

叶

商

古序曰訪落嗣王謀於廟也○成王旣朝於廟而遂
進羣臣以謀之也餘見前○章作事貴始予謀於始
率循昭考武王之道於乎遠哉聖凡懸隔朕未能竟
也羣臣扶我遷就以求繼述猶判渙不合也予幼冲
無知國家多難未堪惟於朝廷紹皇考上下之蹟於
家庭奉皇考陟降之遺守而無失休美哉皇考庶賴
以保安明覺我身不至傾迷而已矣○訪謀也落始
也草木實落始生故謂始爲落艾終也艾老則刈故
謂終爲艾堪任也多難謂天下未平也上下陟降猶
見於羹牆之意

訪落一章十二句

敬之敬之天維顯思命不易哉叶無曰高高在上陟降

歟士日監在茲維予小子不聰敬止日就月將學有緝

熙于光明叶佛叶時仔叶肩叶示我顯德行叶

古序曰敬之羣臣進戒嗣王也○朱子改爲成王述

羣臣之戒非也蓋羣臣進戒王而王嘉納之其辭如

此亦周公之志也餘見前○章羣臣進戒若曰敬之

哉敬之哉天道甚明命不易保無謂高遠在上人主

一陟一降之事無日不監視于此奈何不敬王若曰

維予小子不聰未能敬也願學焉日有所成月有所

進緝續純熙至于光明爾諸臣尚輔弼我所克任示
以顯明之德行庶不迷所從耳○厥士厥事也將進
也緝續也熙照也佛弼通孟子所謂法家弼士也仔
克也肩任也任在肩
教之一章十二句

予其懲叶而茲後患莫予弇叶蜂叶自求辛螫叶蠶叶
允彼桃蟲叶拚叶盤飛維鳥未堪家多難叶予又集于
蓼叶

古序曰小恙嗣王求助也○成王既誅管叔武庚而
訪於羣臣亦周公之志也初周公使管叔監殷管叔

以殷叛成王執管叔誅之悔其始使而公亦自悔也
故曰莽蜂求螫方武王誅紂宥其子人以爲孤雛耳
未幾挾徐奄諸國叛周公東征三年而後定此桃蟲
之爲大鳥也詩與康誥召誥皆裁自周公而此詩哀
死之意微慮患之計深不如棠棣鴝鵒悲悅者彼公
自言而此爲王言也稱小恙自謙求助之辭天下之
患未有不生于小者餘詳前○章一予自今其懲創往
事而謹戒後患乎人近蜂則被螫前日之事無人使
蜂螫我我自求之今而後始信被桃蟲之微果能翻
飛爲大鳥也凡事始于微卒于巨可不恙哉予智識

短淺無克家定難之才又遭遇辛苦之地諸臣可舍
我弗助邪○莽使也莫予言無人使我也辛螫辛苦
之毒螫也肇始也允信也挑蟲小鳥鷦鷯也其雛化
爲鵬鵬大鳥也拚與翻同集會遇也蓼草名其味辛
苦

小苾一章八句

載芟刪載柞叶其耕澤澤千耦其耘阻隰叶且真侯主

侯伯侯亞侯旅侯彊侯以有飡貪上聲其饁思媚其婦叶

有依其士上聲有略其耜上聲俶載南畝美叶播厥百穀實函

斯活忽叶驛驛其達特叶有厭其傑厭厭其苗緜緜其鹿標

載穫濟濟

涉

有實其積

叶上聲

萬億及秭

子

爲酒爲醴烝

并祖妣以洽百禮有飫其香邦家之光有椒其馨胡考

之寧匪且

叶與茲齊

有且匪今斯今振古如茲

古序曰載芟春籍田而祈社稷也○朱子改爲秋冬

報賽之樂歌非也良耜爲報此篇爲祈卒章云邦家

之光胡考之寧振古如茲祈之辭也與良耜卒章殊

此援古以祈之彼續古以報之籍借也借民力治田

也或曰典籍之田供宗廟之典籍也天子千畝諸侯

百畝月令孟春天子以元日祈穀于上帝乃擇元辰

親載耒耜帥三公九卿諸侯大夫躬耕帝籍此其祈

殺于社稷之樂歌也。噫嘻祈年于上帝其辭簡上帝
尊也。此詩祈年于社稷其辭詳社稷親也。噫嘻專爲
民祈此則因藉田併及民耳。○一草木不除則田不
治始芟以除草始柞以除木草木不去而耕其土澤然
解散地廣功多芟柞耘治千夫合耦或往下濕之隰
或往溝上之畛主爲家長者伯爲長子者亞爲仲叔
者旅爲家衆者有自治百畝之外餘力來助爲彊者
有無常業傭工爲以者皆徂隰徂畛之衆也人多飲
食噴然有聲其婦來餉其夫媚之婦亦依士勞之勤
苦相恤也以略然剡利之耜始事南畝旣耕乃播其

實含氣而活驛驛然生長條達受氣厭足者傑然特
出久之厭厭均足可以耘矣縣縣穠耘詳密至秋成
載獲之人濟濟衆多其實積而萬及億億及秭爲酒
醴進祖妣洽合祭祀之百禮品物雖多禮主於酒飫
然其香以供賓客是邦家文明之光也椒然其馨以
養耆老是胡考所安寧也收成之繫於國家大矣非
獨此一方有此稼穡之事非獨今日有此豐年之慶
自古如此惟神降康無替引之可也○載始也除草
曰芟除木曰柞澤澤猶釋釋土解散貌古澤與釋通
耘卽芟柞也徂往也侯語辭彊餘力也以備也噴衆

飲食聲媚依相慰勞也略利也百穀高下燥濕非一
種也實種子也函含氣也活生也驛驛速達貌達出
土也厭足也傑先長也厭厭齊足也綿綿詳密也庶
耘也耘不詳密則草漏而反傷苗濟濟穫之衆也飮
椒皆香也胡頹下垂貌老人之狀考老也且猶此也
亦甚之之辭

載芟一章三十一句

翼翼

測

良耜

洗

俶載南畝

每

播厥百穀

實函斯活

叶

或

來瞻女

汝

載筐及筥

其饌伊黍

其笠伊糾

叶

其錡斯趙

爪以薺

蒿

荼蓼

了

荼藟朽止

黍稷茂

某

止穫之挈挈積

然長曲以報享社稷。似往歲而續來歲。使先農先穡之祭。引之無替也。○罍罍。刃利入土之狀。良快利也。來瞻汝者。婦子也。瞻。省視也。方曰筐。圓曰筥。皆竹器。以盛飯也。喪大記云。食于簋。簋與筭同。漢書所謂筭。食器也。饌。餉同。筮以蔽日。禦雨。糾以繩結之也。鋤也。趙趨也。急疾意。薺。去草也。荼蓼。草名。陸曰。茶水曰蓼。田有高下也。桎桎。獲聲。墉。城牆也。櫛。理髮器。百室一族也。周禮五家爲比。五比爲閭。四閭爲族。凡百家也。百夫同血而耕。故同時納穀也。黃牛黑唇曰犛。狝。角曲貌。禮祭社稷。牛角入陰祀。用黝牲。謂祭龍及社。

稷也社土神尚黃必黑唇者地色黑爲正黃爲美古
之人先農先穡也

良耜一章二十三句

綵衣其紵紵載弁俶俶自堂徂基自羊徂牛鼎及
鼎茲兕觥其觶旨酒思柔不吳不不敖胡考之休

古序曰綵衣繹賓尸也毛公曰高子曰靈星之尸也

○此祈蠶之祭繹而饋尸之樂歌月令季春天子薦
鞠衣于先帝鞠衣黃桑衣先帝太昊木德之君司蠶
桑者薦衣祈蠶也周禮內宰仲春詔后率內外命婦
始蠶于北郊此卽春祭薦衣祈蠶之尸靈星龍星卽

房星東方蒼龍之宿。蠶爲龍精。尸以象之。凡尸象神。神象物。緣衣戴弁者。尸服也。蠶爲緣。故衣緣紵潔白也。象蠶色。蠶馬同氣。蠶首似馬。佻佻下曲貌。弁無曲者。象蠶形也。祭必繹尸。所以報也。大夫以下祭于室。卽日賓尸于堂。謂之賓。諸侯以上有室事。有堂事。祭之明日。賓尸于廟門外。謂之繹。繹者。天子賓尸之名。繹繼也。繼昨日也。又謂之祊。門內外曰祊。始祭迎神于廟門內。楚茨所謂祝祭于祊也。明日送尸于廟門外。春秋所謂卒已有事于大廟。壬午繹也。禮器曰。爲祊乎外。祊繹皆廟門外。西塾。鬼事尚右也。古者門東。

西有堂室曰塾。郊特牲曰：繹之于庫門內，祊之于東方，失之矣。庫門內失，廟門外是也。于東方失，于西方是也。庫門，大門也。廟門在庫門內左，繹當在廟門外西塾也。言繹又言賓尸，繹者賓尸之名，賓尸者繹之事也。引高子語，明所賓者蠶神之尸也。漢有靈星祠，蓋舉時人所知者證之。鄭康成據士冠禮緣衣爵弁，附合雜記士弁而祭于公之說，以緣衣戴弁爲士俎。堂基牛羊鼎爲省牲器，夫繹禮殺于正祭，牲牢器皿皆用祭之餘，有司徹云：掃堂，爇尸俎，行禮，非別殺牲。先夕省視也。果爾，王親賓，則大小宗伯宜從，豈越卿。

大夫而用士手。鄭云：繹禮輕，故用士。然則王又何必親省也？詩言自堂徂基者，卽少牢云：祭畢尸出廟門外，俟儼。天子明日儼，則昨日堂上之尸。今往儼于門基也。言自羊徂牛，鼎及鼐者，牲鼎皆自堂往門，始祭牲入先。大牢後少牢，徹故羊先出而牛從之。鼐鼎大以烹牲體，鼐小以盛和羹。羹近尸，牲近外，故鼐先出而鼐從之。猶士虞禮：杞者逆，退復位之類，皆自堂徂基之序也。兕觥以下，則祝願之辭。鄭以綵衣載弁爲助祭之士。宋傳改爲祭而飲酒，則序言繹賓尸與高子言靈星皆無謂矣。夫衣食者，民之命。農桑者，國

之本三百篇農祭之詩多矣蠶祭惟此一篇故聖人
刪存之朱子謂序誤高子尤誤不自知其誤也○章一
昨日之祭爲蠶絲也今尸賓來燕絲衣紵然潔白戴
弁于首依依然下曲昨者爲尸于堂今者爲賓于門
門基之燕自堂往也昨者牲薦于堂上今改設于門
外羊俎出而牛俎從之犬鼎出而小鼎從之移堂上
之尊罍以飲于塾兒觥觶然其曲飲此旨酒內思和
柔無誼譁傲惰之容德盛禮恭宜得壽考之休矣○
絲衣以絹帛爲衣不用布也紵潔白貌弁冠也堂下
曰基天子臺門故謂門爲基卽塾也徂往也羊牛牲

體也。自廟往門。故曰徂。大鼎曰彝。小鼎曰彝。思柔溫恭之意。吳譁通大言也。胡考猶言胡考。解見前篇休美也。

絲衣一章九句

於烏鑠鑠

王師

叶

遵養時晦時純熙矣是用大介我龍

受之蹻蹻

蹻

王之造

叶

載用有嗣實維爾公

句

允師

叶

古序曰酌告成大武也。毛公曰言能酌先祖之道以

養天下也。○大武武王之樂。春秋傳引武之卒章曰

耆定爾功。卽武也。其三曰鋪時繹思。卽賚也。其六曰

綏萬邦。屢豐年。卽桓也。武樂歌非一酌亦武樂。春秋

傳作汨但未定第幾章耳序云告成大武寵受王造是武成也酌相時也晦則養熙則用時也時者天之運聖人之中聖人至公無私故道莫大乎時而用莫大乎酌毛氏因遵養之語及養天下明武非力服也孟子曰以善養人然後能服天下天下不心服而王者未之有也○章於盛哉武王之師始而遵守恬養時方韜晦酌于紂惡未稔之先未嘗有利天下之意及時既純光人心同而天命集是用大介一戎衣有天下酌于時不可已又烏容有棄天下之意今我後人寵受此蹻然壯烈之王造所以繼之者惟爾太公

無私信于衆心耳。使自利自私。拂天違時。羣心不信。何以長世永保乎。○鑠盛也。王武王介甲也。大介猶大軍。龍寵也。蹻蹻武貌。造爲也。公無私也。允信也。師衆也。

酌一章九句。○三傳允師二字爲句。朱子改爲八句。今從毛。

綏萬邦。屢慮豐年時。天命匪解。桓桓武王。保有厥土。于以四方。克定厥家。介於焉昭于天皇。以開開叶之。

古序曰。桓。講武類禡也。毛公曰。桓。武志也。○按春秋傳。此武樂第六章。頌武王伐商。講武類于上帝。禡于

先戎也。凡天子將出征，祭上帝曰類。至所征之地，祭始造軍法者曰禡。武王伐紂，告于天地鬼神，武舞象之而歌，以言其志，在安民保土定家，非利天下也。故曰武志。朱子以詩稱武王爲疑，夫講武類禡，武王伐商時事，而詩非伐商時作也。周公爲武舞，因爲歌，歌非一章，頌非一事。武頌功，酌頌成，桓頌志，賚頌賞，般頌巡行，皆武樂也。而作于成王世，何得不稱諡？旣云綏萬邦，屢豐年，則詩非成于當年明矣。○一我武王伐紂，以萬邦毒痛，將綏安之也。民心悅而天意順，屢獲豐年之祥，非但一時蓋久而不懈也。當商紂暴虐

賢人播棄。桓桓然武王能保有厥土。用于四方。克定其國家於乎。其德上昭于天。故君天下以伐商也。○士賢士以用也。用之四方。謂列爵分土也。皇君也。間代也。

桓一章九句

文王既勤止我應平聲受之敷時。繹思我祖。維求定時。周之命於烏繹思。

古序曰。賚大封於廟也。毛氏曰。賚予也。言所以錫予善人也。○按春秋傳。此武樂第三章。武王克商。有天下。大封將帥功臣四百人。兄弟之國十有五人。姬姓。

之國四十人所謂賚也。廟文王廟古者爵人必於祖廟示不敢專也。○一章文王勤勞天下至矣我承受之布文王德意以大賚天下使人紬繹深思所以爲此維往求天下安定而已是我周新命非殷之舊政也。於乎諸臣思文王垂創之艱體我徂求定之意庶大賚爲不徒耳。○應承也敷布也時是也卽分封也繹尋思也徂往也。

賚一章六句

於皇時周叶陟其高山叶隋安山喬嶽叶允猶翕河叶敷天之下叶烈哀時之對叶時周之命叶

古序曰般巡守而祀四嶽河海也○舊以此爲朝會祭告之樂歌非也篇名般盤通行遊也書云盤于遊畋嬖姍勃窣行路之貌天子巡守按節徐行故謂之般與武酌桓賚并目亦武樂之一章耳武樂各章殊事而此爲巡行之事樂記所謂四成而南國是疆者也若朝會祭告之樂時邁具已或云頌成王則不應篇名與武酌等同例也○章於乎君哉是周也其巡守所至登其高山及墮然狹長之小山與喬高之四嶽凡山阜丘陵出雲氣爲風雨者皆祀之以誠允之心謀猶翕合之河而祭之徧天之下山川之神皆如

是袞聚對越此我武王革商以後一代之新命也○
皇君也時是也隴山山之狹而長○允誠也猶謀也
如載謀載惟之謀謀其禮也○翕合也河受衆流謂之
翕河禹貢播爲九河同爲逆河注曰同合爲一大河
名逆河卽翕河也敷徧也袞聚也對對越也
般一章七句○酌以下四章皆武王詩次成王後者
武樂或定于成王之季年也

毛詩原解卷三十五

郝敬習

魯頌

魯少昊之墟在禹貢徐州蒙羽之野成王以封周公
長子伯禽謂周公大造王室文武至親葬祭禮樂使
得儗王者及周衰諸侯放恣魯承先緒浸淫不軌至
僖公用郊三望漸及大夫歌離家臣專祀魯之不法
甚于諸侯由僖公始也僖公薨成公朝季孫行父立
武宮比天子世室謂僖公有文德請于周爲作頌興
廟樂駟以下四篇皆其樂歌也禮天子作樂賞諸侯

德盛教尊。五穀時熟。然後賞以樂。諸侯自作樂頌功。德僭也。故夫子刪詩。削魯風。魯不以諸侯自處也。正樂存魯頌。魯以天子自居也。非天子而有頌。本諸侯而無風。誰毀誰譽。斯民也。三代所以直道而行。故詩先春秋者也。詩亡然後春秋作。詩直其辭而美刺見。春秋直其事而是非彰。詩之志。春秋之義。一也。故曰。不學詩。無以言。詩可以興。可以觀。可以羣。可以怨。邇之事父。遠之事君。嗚呼。春秋之義備矣。魯升而爲頌。王降而爲風。文武衰而思周公。舍魯吾何適矣。夏商亡有杞宋存。其或繼周者。魯不亦爲杞宋乎。故以魯

頌與商周并存也。或曰：爲魯風不亦可乎？曰：頌不可
以爲風。歌於廟，與歌於邦國不可同日語。春秋諸國
無風，微獨魯。八方雖殊而接壤可旁通。國大無風者，
魯與宋與楚。魯無風而南山諸詩可以觀魯。春秋盡
魯也。宋無風而河廣可以觀宋。商頌亦宋也。楚無風
而江漢汝墳可以觀楚。南國盡楚也。以十五國槩方
內，大畧可觀矣。或曰：春秋傳吳扎觀魯樂，無魯風。非
聖人刪之。夫左氏非眞丘明也。季扎觀樂，後人因緣
三百篇脩辭耳。不足以徵詩。豈魯文獻之邦而無詩
可采，不如邶鄘齊鄭乎？聖人刪其風，存其頌，其志可

知故宋嚴粲氏曰魯頌頌之變也得之矣

駟駟

肩

牡馬

米叶

在圻之野

汝叶

薄言駟者

米叶

有驕

車

有皇

有驪

離

有黃以車彭彭

邦叶

思無疆思馬斯臧

○駟駟牡

馬在圻之野薄言駟者有騅

追

有騶

拔

有騂有騄以車

在圻

拔

思無期思馬思才

蒲叶

○駟駟牡馬在圻之野薄

言駟者有驪

駟

有駟

洛

有騂

西

有維

洛

以車繹繹

叶

思

無斃

叶

思馬思作

○駟駟牡馬在圻之野薄言駟者有

駟

因

有駟

叶

有驪

車

有魚以車祛祛

區

思無邪

叶

思

馬斯祖

直

古序曰駟頌僖公也毛公曰僖公能遵伯禽之法儉

以足用。寬以愛民。務農重穀。牧于坰野。魯人尊之。於是季孫行父請命于周。而史克作是頌。○按王者治定功成。作樂告廟。則有頌。禮曰。雖有其位。苟無其德。不敢作禮樂焉。雖有其德。苟無其位。亦不敢作禮樂焉。魯以諸侯作樂。頌功德。非禮也。僖公國富好侈。季孫行父爲之從臾。非三思者所爲。故夫子譏曰。再斯可矣。又讀此詩。歎曰。一言以蔽之。思無邪。聖人之意可知。毛公之說。釋魯人所以頌僖公之事。非謂僖公可頌也。然則序不言樂歌何也。凡頌皆樂歌。不復舉。而但各本其所頌之事。如武樂之桓酌賚般。成王之

閔小子訪落諸什皆然若謂生前美僖公則行父當
成公朝僖公薨久矣臣子尋常美君何必請於天子
請天子而後頌知頌非天子不敢作也成公六年魯
立武宮倣九廟爲世室魯頌卽作於此時將推僖廟
爲文世室故詩存魯頌猶春秋書立武宮皆誌僭也
不然東遷而後無雅又焉得有頌乎○章一駟駟然腹
幹肥張之牡馬在遠野之圻不妨民田而牧養有方
非務農重穀者慮及此乎畧數駟者有驪色白跨之
驕有黃白之皇有純黑之驪有黃驛之黃用以駕車
彭彭壯盛我公思慮廣大無疆思及於馬牧之盡道

所以善也○二章駟駟牡馬在坰之野畧言其駟有蒼
白雜毛之駟有黃白雜毛之駟有赤黃之駟有青黑
之駟以此駕車伾伾有力由我公思慮久遠無期思
及於馬牧之有方所以多材力也○三章駟駟牡馬在
坰之野畧言駟者有青驪驪之驪有白身黑鬣之駟
有赤身黑鬣之駟有黑身白鬣之駟以此駕車繹繹
不絕由我公思慮無倦思及於馬牧之有方所以強
立能作也○四章駟駟牡馬在坰之野畧言駟者有陰
白雜毛之駟有彤白雜毛之駟有駟多白毫之驪有
二目白之魚以之駕車祛祛然強勁由我公思慮正

直無邪思及於馬善行地而徂也○駟駟腹幹肥張
貌垆林外也邑外曰郊郊外曰野野外曰林林外曰
垆牧于垆恐妨民田舍地遠水草美也薄言聊數也
騏今驄馬也伾伾有力也驪青黑二色深淺相間斑
剥如魚鱗今連錢驄也驛驛行不斷也作奮起也陰
白雜毛曰駟陰淺黑色毫在骭幹曰驪骭膝下有毛
曰而長也祛祛強貌徂行也

駟四章章八句

有駟必有駟駟彼乘黃去聲夙夜在公剛在公明明叶振
振驚驚于下叶鼓咽咽叶醉言舞于胥樂洛今○有駟

有駉駉彼乘牡。夙夜在公。在公飲酒。振振鷺鷥。鷺子飛鼓
咽咽。醉言歸于胥樂兮。○有駉有駉。駉彼乘駒。玄士去聲夙
夜在公。在公載燕。自今以始。歲其有以。君子有穀。詒孫
子于胥樂兮。

古序曰。有駉頌僖公君臣之有道也。○此亦僖廟之
樂歌。序言作者之志。而諷刺隱然。若曰。作頌者自謂
君臣有道云爾。此篇大類風體。跌宕姚佚。無復清廟
肅雝之意。春秋以來新聲也。○章有駉然肥壯者。一
乘四馬皆黃也。夫馬牧之有方。則力強而致遠。夫臣
養之盡禮。則託重而恃力。今諸臣與燕自夙而夜在

於公所明明然無昏亂失禮者其脩潔整齊振振如
鷺羣飛而下也擊鼓節樂咽咽然深長旣醉起舞若
臣相悅何其樂哉○二駉然肥强者四馬皆壯也臣
亦君所託以乘也夙夜在公飲酒而退威儀脩整振
振然如鷺之羣起而飛也鼓聲咽咽醉然後歸君臣
何其相樂哉○三駉然肥壯者四馬皆駉也諸臣夙
夜在公燕飲今固善且有矣自今以始豐年相仍公
有善道詒孫子世爲善國君臣相與豈不樂哉○駉
馬肥強貌重言有駉非一馬也乘黃四馬皆黃也公
公所也明明辨治也振振羣飛貌鷺白鳥下集也咽

咽鼓聲深長也。胥相也。青驪曰駟。今鐵驪也。穀善也。

○有駉三章章九句

思樂

洛

泮水薄采其芹

勤

魯侯戾止言觀其旅

勤

其旅

苾苾

叶施

鸞聲蹇蹇

叶外

無小無大從公于邁

○思樂

泮水

薄采其藻魯侯戾止其馬蹇蹇

矯

其馬蹇蹇其音

昭昭

叶

載色載笑匪怒伊教

○思樂泮水薄采其茆

叶

柳

魯侯戾止在泮飲酒既飲旨酒永錫難老

叶

順彼長

道

斗叶

屈此羣醜

○

穆魯侯敬明其德敬慎威儀維民

之則允文允武昭假烈祖靡有不孝自求伊祜

虎

○明

明魯侯克明其德既作泮宮淮夷攸服

叶

矯矯虎臣在

泮獻猷號

淑問如臯陶

叶在泮獻囚

○濟濟

濟多士克

廣德心桓桓于征狄彼東南

林

烝烝皇皇不吳

譚不揚

不告于訥在泮獻功○角弓其觶束矢其搜

叶戎車孔

博徒御無數

叶

既克淮夷孔淑不逆

叶

式固爾猶淮夷

卒獲

叶

○翩彼飛鷁

集

于泮林食我粢黠

世

懷我好

音憬

耿

彼淮夷來獻其琛

真

元龜象齒大賂南金

古序曰

泮水頌僖公能脩泮宮也

○僖公嘗脩葺學

宮史克頌其事以爲樂歌夫國君脩學非甚殊勲也

古序言能者寓春秋之義天子學宮四面壅水環如

璧曰璧壅諸侯三面有水北缺如半璧曰泮宮芹藻

莠皆水菜芹勤也藻文也莠畱也首言學故曰勤次
言教故曰文三言飲酒故曰畱以下因脩文而願以
武功禮出師受成于學友釋奠于學以訊馘告魯外
患莫如淮夷故以服淮夷爲頌其辭虛誇聖人存之
亦誰毀之意也○章一樂哉泮水有芹生焉薄采其芹
我侯臨泮其旂茝茝飛揚鸞聲嘒嘒和鳴國人無幼
無長皆從公往以觀其講學行禮也○章二樂哉泮水
有藻生焉薄采其藻我侯至止其馬蹻蹻強壯其言
昭昭宣朗載色而和載笑而樂不愠怒而寬柔以教
也○章三樂哉泮水有莠生焉薄采其莠我侯至止在

泮飲酒頤養天和。永錫難老。順彼長遠。經久之道。屈
服魯國之衆人也。○韋穆穆敬美之魯侯。能敬明其
德。又敬慎威儀。內外交脩。民所取法。信哉有文有武。
昭格烈祖。無有一事不克。孝者以此得福。是自求也。
○韋我侯有明明之德。而能益明其德。服遠有本矣。
又作泮宮。闡揚文教。淮夷感化。攸然帖服。有蹻蹻然
如虎之臣。於此獻所馘之耳。有善問如臯陶之臣。於
此獻所執之囚。○韋克敵以武。濟濟諸臣。能大其德。
心視人猶已。此立功之本也。桓桓武勇。往征以攘邊。
東南之夷。有烝烝之勇。皇皇之度。不諠譁。不誇揚。無

爭功不平告于訟者在此泮宮各獻其功也○軫制
敵貴謀角弓觥然堅勁士卒各負束矢搜然急疾戎
車甚廣徒御競勸可以克淮夷保甚善無凶敗矣然
不恃此耳式審固謀猶爲久安計則淮夷終獲永爲
不侵不叛之臣矣○軫翩然飛者惡聲之鴉鳥來集
泮林食我桑實變而就好音淮夷向化亦猶此也彼
憬然覺悟之後來獻琛寶有大龜有象齒又廣賂我
南土之金非懷我侯文德而然乎○思語辭孜孜猶
旆旆飛揚貌難老不易老也長道大謀也羣醜衆民
也屈服也馘割耳也敵人不服者殺之割左耳爲信

以獻也。囚已降服之虜。古者出師受成於學。反則釋奠於學。以訊讖告。故詩因脩學及此。非實然也。多士諸將士也。狄逃通遠過之也。吳譁通大言也。訥訟也。蘇勁貌。一弓百矢。或五十矢爲一束。士卒臨敵各負弓矢也。搜矢疾聲。淑吉也。逆凶也。猶謀也。卒獲未服也。鴟怪鴟鵂。桑實通作甚。懔耿通覺悟意。琛寶也。元龜大龜。龜盈尺以上爲寶。賂貽也。南金荆揚之金。荆揚貢金三品。淮夷徐州貢墳珠魚。不以職貢者貴難得也。

泮水八章章八句

閔杞宮有恤恤實實枚枚赫赫姜嫄其德不回上帝是

依限無災無害彌月不遲叶是生后稷降之百福叶黍

稷重童穆六種職穉密菴有下國叶俾民稼穡

久有稷有黍有稻有秬舉奄有下土纘禹之緒○后稷

之孫實維大秦王居岐之陽實始翦商至于文武纘大

王之緒上致天之届于牧之野叶無貳無虞上帝臨女

敦堆商之旅克咸厥功叶○王曰叔父建爾元子俾

侯于魯大啓爾宇爲周室輔乃命魯公俾侯于東錫之

山川土田附庸周公之孫莊公之子龍旂承祀叶六轡

耳耳春秋匪解叶享祀不忒皇皇后帝皇祖后稷享以

駉是饗是宜降福既多通作周公皇祖上聲亦其福

女次秋而載嘗夏而福衡叶白牡駉剛犧尊將將鎬毛

魚載志羹叶籩豆大房萬舞洋洋孝孫有慶叶俾爾熾

室而昌俾爾壽而臧保彼東方魯邦是常不虧不崩叶

不震不騰叶三壽作朋叶如岡如陵叶公車千乘朱

英綬滕二矛重弓叶公徒三萬貝冑朱綬修烝徒增增

戎狄是膺荆舒是懲則莫我敢承俾爾昌而熾室俾爾

壽而富叶黃髮台背壽胥與試俾爾昌而大叶俾爾耆

而艾愛萬有千歲眉壽無有害叶泰山巖巖叶魯邦所

詹奄有龜蒙遂荒大東至于海邦叶淮夷來同莫不

率從魯侯之功○保有鳧繹叶遂荒徐宅叶至于海邦

淮夷蠻貊叶及彼南夷莫不率從叶莫敢不諾洛魯侯

是若○天錫公純嘏叶眉壽保魯居常與許復周公之

宇魯侯燕喜令妻壽母宜大夫庶士叶邦國是有叶既

多受祉黃髮兒齒○徂來之松新甫之柏叶是斷短是

度和是尋是尺叶松柏有鳥叶路寢孔碩新廟奕奕叶

奚斯所作孔曼萬且碩萬民是若

古序曰閼宮頌僖公能復周公之宇也○魯頌皆為

僖公前三篇頌生平功德此一篇新其廟宇將以為

世室配武宮告成功也故首舉廟宮末歸於脩廟序

云復周公之宇者詩之志也詩遠引后稷開周大王
遷岐成王建魯下及僖公伐楚復常許奄有海邦淮
夷蠻貊志在土宇也故取詩解居常與許復周公之
宇爲目夫常許失矣魯何能復也僖公有駟馬之富
有樂胥之臣有在泮之功侈郊禘三望之饗願大而
力小遠思蠻貊而近失常許故序卽辭表志而作者
之誤自見亦春秋之義也或以是詩爲美僖公脩姜
嫄廟夫魯不聞有姜嫄廟詩言姜嫄者誇魯之自出
明郊祀后稷之故耳如僖公存日脩祖廟是時行父
之父季友爲政則頌不待行父請作矣行父當成公

時脩僖廟故篇末云新廟奕奕奚斯所作重葺曰新
創始曰作奚斯僖公時大夫公子魚也成公朝死久
矣追敘始作以見今之更新久而不忘耳若姜嫄廟
豈待奚斯始作邪○一深闕之宮侃然清靜盤基實
實然鞏固結架枚枚然茂密是祀我僖公之廟也上
世從來遠矣赫赫然顯著之姜嫄貞淑不回感武敏
之祥上帝依憑其身使無災害彌十月而生子是爲
后稷天降百福賜以嘉種有黍有稷晚者爲重早者
爲穆有菽有麥早者爲植晚者爲穉教民有功受封
于郃而奄有下國使阻飢之民皆知稼穡稷黍稻秬

徧及下土。烝民乃粒。繼神禹平成之緒也。○二后稷之孫。實維太王。自豳遷于岐山。之南。周之革商。實始於此。及文武之世。紂惡盈而周道昌。天時已至。乃奉天之屆于牧野。無疑無慮。上帝臨視。天心順也。治商之師三千。同心共成厥功。人心應也。所以有天下也。○三天下既定。大封同姓。周公于魯。成王告周公曰。叔父。鬻相王室。立爾長子。大開土宇。蕃屏周室。乃策命魯公于東。賜以山川土田。及附庸之邑。魯所以有國也。及周公之孫。父莊公而爲子者。我僖公也。始興郊廟之祀。建龍旂于車。四馬六轡。耳耳柔順。春禘秋

嘗不懈於時。郊天廟祖。不忒於禮。春而郊。祀天帝。配
以后稷。享以騂犧。帝稷安享。降福于郊。周公皇祖。伯
禽以下。亦福汝于廟。秋嘗。則夏養牲。橫木牛角。以止
其觸。三月而後用之。白色之牡。以祀周公用殷之玉
禮也。騂色之剛。以祭魯公。遵時王之制也。酒有牛形
之尊。將將端正。饌有去毛而魚之豚。有切肉之胾。有
肉汁之羹。有邊以盛果核。有豆以盛菹醢。有大房以
載牲體。樂奏萬舞。洋洋充盛。祖考格而孝孫有慶。使
爾熾盛而昌。大使爾壽考而臧善。保安東土。常有魯
國。不虧缺。不崩頽。不震動。不騰踴。有壽考之三卿。爲

朋夾輔社稷固如岡陵此我僖公上承祖考而恢弘
典禮者也○○國公之兵車大國千乘之賦也每車中
三人右人持矛飾以朱英左人持弓滕以綠繩矛必
載二寸必用重備折壞也計公之徒凡三萬人飾胄
以貝綴甲以朱綬烝進其徒增增然多也西戎北狄
以此當之荆與舒叛以此懲之無敢有承敵我者使
爾昌大熾盛使爾壽考富有黃髮鮐背老成人相
爲試用使爾昌盛廣大使爾耆老蒼艾萬年千歲眉
秀而壽無有患害也○○五華泰山巖巖高大雖非封內
我魯邦所瞻望而祀也奄有境內之龜蒙二山遂荒

治極東至濱海之邦如淮夷舊爲魯患今亦來同莫
不相率順從皆魯侯之功也○韋保有境內鳧繹二
山遂盡徐州之土荒治爲宅近海之邦若淮夷若南
蠻若北貊及彼炎荒極南之夷莫不率從莫敢不應
命唯魯侯是順而已○杜天賜公全福眉壽以享魯
國昔齊人侵我常鄭人侵我許公居常與許恢復周
公之土宇燕飲喜樂家有令善之妻壽考之母朝廷
有大夫庶士撫有邦國旣受多福而又壽命堅固髮
白復黃齒落更生以永此福也○韋我公功高德盛
廟祀百世不遷禮也今者脩其寢廟取松于徂來取

柏于新甫。斬斷之。量度之。長者八尺而尋。短者十寸而尺。用松爲桷。舄然層架。正寢規模。甚大。廟貌重新。奕奕然盛美也。此廟經始。乃先大夫奚斯公子魚所作。人心思慕。久而愈深。今棟宇更新。甚長曼而碩大。萬民瞻仰。無不順悅也。○閔深閤也。宮。唐公廟也。恤。清靜也。實。實鞏固也。枚。枚。斲密也。上帝是依。履帝武敏也。彌。月終十月也。重。一作種。穆。一作種。先種後熟。曰重。後種先熟。曰穆。先種先熟。曰種。後種後熟。曰穆。皆五穀生熟早晚之通稱。有下國受封邑于部也。有下土粒食徧天下也。纘。禹緒繼治水之功也。岐之陽。

岐山南也。山南曰陽。翦革命也。屆至也。猶屆期之屆。致猶奉也。敦猶敦琢之敦。治也。克咸厥功。將士同心協力也。王成王叔父呼周公也。元子魯公伯禽也。周公畱相王室。伯禽歸魯也。啓開也。宇居也。周公孫莊公子。卽僖公。魯用郊自僖公始也。龍旂。諸侯之旂。日月爲常。天子建之。交龍爲旂。諸侯建之。皆于車上也。耳耳柔從也。春秋春禘秋嘗也。禮郊廟之祭。春秋有常期。不忒不差也。后帝。天帝也。騂。赤色。周所尚也。犧。祭牲也。色純曰犧。宜安也。周公皇祖。謂太祖周公及伯禽以下諸祖也。秋祭曰嘗。稱衡以木。橫制牛角止。

其觸也。周禮封人之職。凡祭飾牛牲。設其福衡。白牡。祀周公。用殷王禮。以殊于諸侯也。郊特牲曰。諸侯宮縣而祭。以白牡。諸侯之儻禮。卽指此騂剛。魯公以下之牲色。從昭代也。剛猶牡也。犢也。犢特同獸。父曰犢。魚炮同毛。魚炮之而去其毛也。周禮封人祭祀有毛。魚之豚。截切肉也。羹肉有汁者。和之曰鉶。羹盛以鉶。鼎不和曰大羹。盛以瓦豆也。大房大俎。以盛牲體。足下如房。千乘大國之賦。孟子云。公侯地方百里。開方中得千里。古者因地名賦。以里計車。故謂方百里者爲千乘。極言其多耳。非實有此數也。徒步卒也。大國

三軍軍萬二千五百人三軍爲三萬七千五百人言
三萬者大約也朱英以飾矛也綠綠繩滕束弓也貝
冑以貝飾兕鑿也朱綬紅線也增增衆也西曰戎北
曰狄荆楚也舒荆屬國黃髮老人髮白復黃也台作
駘莊子有哀駘駘老人病癯之狀胥相也試用也萬
有千歲猶言千萬歲泰山在齊境詹瞻同望也諸侯
望不越境魯望泰山自僖公始春秋書郊三望譏也
奄有全覆有也龜蒙二山名荒治也大東極東也海
邦海島諸國也鳧繹二山名魯地在徐州之域荒徐
宅謂盡徐州之土治爲居宅也南曰蠻北曰貊南夷

今閩粵交趾等地常作訾近薛魯地之見侵于齊者也許魯朝宿東都之邑見侵于鄭者也今妻僖公夫人聲姜也壽母母夫人成風也祖來新甫二山名八尺曰尋桷檼也鵲同鵲善築巢故爲椽桷之象路寢廟後正寢以藏死者衣冠路大也人君所居曰路與小寢異新廟新其舊廟也猶春秋新延殿之新奚斯公子魚魯同姓大夫作創造也

閔宮八章二章章十七句一章十二句一章三十八句二章章八句二章章十句○按朱子改訂爲九章因首章十七句爲例以王曰叔父下五句屬上章合

十七句爲二章。以乃命魯公至周公皇祖亦其福女亦十七句爲第三章。秋而載嘗至如岡如陵十六句爲第四章。少一句。謂有脫漏。今按詩章法原不拘長短。但當察其文義語脉。舊本王曰叔父以下三十八句。詳陳魯開國與郊廟祭祀之盛。故爲一章。公車千乘以下。則頌武功恢復土宇。分爲四章。意重複土宇也。今從舊。

毛詩

卷之五
終

毛詩原解

卷之五

十六

傳

毛詩原解卷三十六

郝敬習

商頌

初契爲堯司徒賜姓子氏封于商卽今陝西西安府
商州十四傳八遷都至湯徙居亳或云卽今河南府
偃師縣十九傳又五遷都河北至盤庚復湯故地帝
乙又徙居河北都朝昭歌卽今河南衛輝府周武王
誅紂以朝歌封其子武庚成王誅武庚以微子爲殷
後封宋卽今河南歸德府商丘縣使脩其禮樂奉其
先祀宋衰舊典散佚七傳至戴公當周宣王時宋大

夫正考甫者孔子七世上祖也得商頌十二篇于周
太師歸祀其先王及孔子刪詩時存五篇耳夫杞宋
無徵夫子傷之嘗曰丘殷人也聖人每事不忘先而
況禮樂乎故詩以商頌終蓋詩至魯頌而誇誕僭踰
極矣存商頌志從先進樂其所自生也

猗

依與

余那

與

置

我

鞀

鼓

奏

鼓

簡

簡

衍

若夫

我

烈

祖

湯

孫

奏

假

綏

我

思

成

鞀

鼓

淵

叶

嘒

嘒

管

聲

既

叶

和

且

平

依我磬聲於

烏

赫

湯

孫

穆

厥

聲

庸

鼓

有

叶

數

萬

舞

有

奕

我有嘉客亦不夷憚自古在昔先民有作溫恭朝夕執

事有恪顧予烝嘗湯孫之將

古序曰那祀成湯也。毛公曰微子至于戴公其間禮樂廢壞有正考父者得商頌十二篇於周之太師以那爲首。○此詩多言樂何也郊特牲云殷人尚聲臭味未成滌蕩其聲樂三闋缺然後出迎牲聲音之號所以詔告於天地之間卽此意也。○章一猗與那然樂器之多也。鞀與鼓先衆樂設置奏樂擊鼓簡簡然衆音大作時臭味未成滌蕩其聲樂我烈祖及其迎牲裸獻湯孫奏樂感假以安我思成如在之靈鞀鼓淵淵深遠管聲嘒嘒清亮調和均平依我磬聲磬聲諧八音皆諧矣。烈祖雖遠聲音之號詔告於天地之間。

於赫哉湯孫穆穆美聲思成所以綏也及乎九獻既
終鏞鼓數然交作萬舞奕然并陳助祭嘉客聞樂觀
舞無不平夷悅懌者蓋尊祖敬宗有廟來假古今通
誼古昔亦有助祭爲客者亦有曾孫爲主者行禮奏
樂寧自今日今者溫恭朝夕執事匪懈人心合敬無
異古昔烈祖感格尚顧予烝嘗哉此奉祭非他人湯
之孫也一氣潛通有不居歆乎○猗與歎美辭那多
也鞀有柄小鼓鼓大鼓凡樂先播鞀擊鼓故首置焉
簡簡和而大也烈祖功烈之祖指湯也湯孫主祭時
王之通稱綏安神也思成思念祖考成就也記云齊

之日思其居處思其笑語之類成猶如在也磬玉磬也玉磬在堂上執鼓管在堂下故曰依記曰磬以立辨辨故難諧磬聲諧則八音皆諧矣書曰擊石拊石百獸率舞此也庸鏞通大鐘也嘉客先伐後及諸侯來助祭者皆是也先民有作作禮樂也蓋因先代之後諷勸之與

那一章二十二句

嗟嗟烈祖有秩斯祐

叶虎

申錫無疆及爾斯所既載清酤

釐賚我思成

叶常

亦有和羹

叶圖

既戒既平

叶旁

醴宗假格

無

言

叶年

時靡有爭

叶滅

綏我眉壽

叶黃

耆無疆約軹

其

錯衡

叶杭

八鸞鵠鵠

拾

以假以享

叶

我受命溥將自天降康豐年

穰穰

叶

來假來饗

叶

降福無疆顧予烝嘗湯孫之將

古序曰烈祖祀中宗也○成湯至于大戊七世矣商

道寢衰大戊脩德中興遂號中宗禮祖有功而宗有

德故殷祖成湯宗大戊武丁此祀大戊之樂歌也朱

子以詩稱湯孫改爲祀成湯今按詩云及爾斯所言

自湯及大戊也云諸侯來假受命溥將言天命人心

表中興之功也亦猶玄鳥頌人心土宇正祀二宗之

詩若那祀成湯無庸及此矣湯孫凡後王主祭者皆

得稱之豈必祀湯始稱湯孫乎前篇言樂此篇言味

祖遠難格故衍之以聲宗近易感故侑之以食不得
謂二詩無辨也○章一嗟我烈祖成湯革夏受命有秩
然常久之福引申敷錫于無疆延及爾中宗之所世
經七葉再造天下與烈祖重光也今日之祀清酒方
載神靈來格所思成就若或賚之禮以羹熟爲節和
羹旣備旣調乃總衆行禮合敬感格人雖衆而肅靜
靡有諠譁神其居歆安我以眉壽黃耆之福也醴假
莫大乎諸侯車以皮束其轂畫文于衡四馬八鸞和
鳴來假奉享我受天命旣廣大矣天降豐年使諸侯
之來奉其黍稷以饗其降福寧有疆界乎今日之祭

皆中興之賜尚其顧我烝嘗乎此祭非他人湯孫所奉也○烈祖湯也秩常也祜福也申重也爾中宗也斯所猶言此處酤酒也和羹釔羹也戒備也平和也凡行禮以羹定爲節載清酤戒和羹祭之始也醴衆也假格通至也無言寂靜也靡爭嚴肅也康和也穰穰多也

烈祖一章二十二句

天命玄鳥降而生商宅殷土芒芒古帝命武湯正域彼四方方命厥后奄有九有叶商之先后受命不殆叶在武丁孫子武丁孫子武王靡不勝叶龍旂十乘大糇叶

是承邦畿

新

千里維民所止肇域彼四海

叶

四海來假

果叶

來假祁祁

景員維河

叶

殷受命咸宜

百祿

是何

叶

火

叶

火

叶

火

叶

火

古序曰玄鳥祀高宗也

○按中宗十三傳至武丁而

商業又寢衰武丁恭默思道乃復中興號稱高宗頌

高宗而推本祖德正所以表中興也

○

章一

天命玄鳥

降祥生契肇封于商是我商人之始也宅居殷土芒

然廣大古昔上帝命威武之成湯從其祖居以正治

四方之封域湯既受正方之命而列后率附遂奄有

九州此商先后所以受命也數十傳之久經衰亂而

不危殆者在我武丁焉之孫子繼序重光耳武丁之

三言入角 卷三十一 三
爲孫子也。秉威武之德，爲天下王，無所不勝，故諸侯
皆建龍旂十乘，載黍稷爲大藉，以供王祭。當是時，畿
內地方千里，皆民所居止，而肇開封域，極彼四海，無
異正域之初也。故今日之祭，四海來假，祁祁衆多，如
影之負附。由大河達王都，朝宗之衆，亦無異方命之
日。殷受天命，自湯至今，咸宜百福，負荷豈非中興所
遺乎？○玄鳥，燕雀也。降，猶至也。古天子以春分玄鳥
至日，祀高禘，祈子。取玄鳥以乳子，至也。高辛帝嚳之
妃簡狄，祀之而生契，遂以子爲姓。是商人始祖也。帝
嚳都殷，契始封商，十四傳至湯，復從祖居亳。或云卽

今河南府偃師縣是也。芒芒，草昧貌。正域，正治封域也。四方謂之域中。方命，卽正域四方之命。厥后，諸侯也。蓋覆也。九有，九州也。先后，指湯殆危也。武丁，孫子武丁爲湯孫子也。武王，有武德爲王也。勝任也。十乘，載糒多也。糒，食也。卽黍稷也。來假，來助祭也。祁祁，衆多也。景，影同。猶汎汎，其景之景，員附也。猶員于爾幅之員，景員猶言影從。諸侯順附也。河，黃河。道由黃河也。何，荷通。

玄鳥一章二十二句

濬峻哲維商，長發其祥。洪水芒芒，禹敷下土方。句外大

國是疆幅隕員既長有城松方將帝立子生商○玄王

桓撥叶受小國是達叶受大國是達率履不越遂視既

發相土烈烈海外有截○帝命不違至于湯齊湯降不

遲聖敬日躋賁昭假遲遲上帝是祇支帝命式于九圍

○受小球大球爲下國綴旒何賀天之休不競不綵不

剛不柔敷政優優百祿是適○受小共大共拱爲下國

駿厯猛何天之龍龍敷奏其勇不震不動動不難根不

竦百祿是總○武王載旆撥有虔秉鉞如火烈烈則莫

我敢曷遇苞有三蘖莫遂莫達九有有截韋顧既伐昆

吾夏桀○昔在中葉有震且業允也天子降于卿士史

實維阿衡叶實左右商王

古序曰長發大禘也○朱子謂當爲裕祭之詩搜大禘卽裕也故雖周禘也并頌烈考文母此商禘也并頌玄王相土成湯及卿士蓋追祀遠祖則子孫咸集所以首四時爲重祭也時祭合享或不止禘而據雖與此詩則禘非特祭甚明然此稱大禘雖稱禘何也雖序云大祖其爲大禘亦可知也○章一維商有漆淝明哲之德興王之祥發見久矣自昔洪水芒芒禹分布下土區畫四方外而諸侯大國各正疆境其邊幅周隕長遠內有城國方大高辛帝立其女子爲妃生

我太祖玄王是我商人之自出也○章二我玄王生而
桓武撥治。堯命爲司徒。受小大之國。五教敬敷。無不
通達。身所循行。無有差越。民遂視倣而興起矣。迨玄
王之孫相土。尤烈烈然。威名播于海外。截然其整肅
也○章三玄王以來。天命在商。不去至湯。天人會合。應
期降生。有聖人之敬。而日益進升。昭格于天。遲遲未
久。惟上帝是承。故帝命爲王。以式法于九州也○章四
湯受小國大國之贊。王爲諸侯所附屬。如旗旒之綴
于繆。固結不解也。人心所屬。卽是天休。湯能不爭競。
不急躁。不剛猛。不柔弱。布政優優。和平。是以百福適

聚爾○五章受小國大國供奉爲諸侯所乘載如駿驪
之馬負荷重遠人心所奉卽是天寵湯能陳進其勇
不震驚不搖動不懋恐不竦懼毅然以天下自任百
祿所以總歸爾○六章湯以威武爲王載旗秉鉞恭行
天討如火烈烈莫敢止遏桀以三國爲黨如一本三
蘖不得順遂通達十一征而九州截然歸一伐韋伐
顧伐昆吾乃伐夏桀也○七章昔湯未伐夏中葉遭桀
之虐震懼而且危業信哉湯爲天之子天降卿士爲
阿衡庶政倚平左右湯以王于天下今日之祭所以
配饗也○八章濬沈潛也哲精明也長久也發祥萌光也

荒大也。頌契述禹者。契禹同事堯。紀時也。敷下土方。謂平治水土。分別四方。猶書序云。帝釐下土方也。外謂五服外。繞王畿居中也。大國諸侯之國也。疆邊界也。幅邊也。隕周也。長遠也。有娥國名。簡狄母家也。帝高辛帝也。子卽簡狄也。高辛帝立。簡狄爲妃。生契。是契所自出之帝。禘于契之廟者也。玄王玄遠之王。指契也。司徒曰王。追稱也。桓武也。撥治也。達通也。視做也。發興起也。相土契孫也。不違不去也。齊會集也。湯降不遲。湯生及時也。聖敬日躋。猶敬止。緝熙也。躋升也。遲遲久也。祇敬也。九圍九州也。式九圍爲君師也。

璫玉也諸侯以玉爲瑞卽命圭也綴聯也旒旗之垂者或九或七綴于繆上垂者爲旒所著爲繆絛結也或云緩也適聚也共供通下貢上也駿厖馬也或云駿大也厖厚也惟正之供不過取以大厚下也龍寵也難恐也竦懼也武王卽湯也虔恭也鉞大斧曷邊通止也或云誰何也苞本也孽旁生萌也韋豕韋彭姓顧與昆吾皆己姓夏諸侯之助桀爲惡者卽三孽也桀世也中葉湯爲諸侯時也湯年八十有七始代夏爲天子震懼也業危也指夏臺之難天子指湯卿士伊尹也阿衡伊尹官號如太公之號尚父也阿倚

也衡平也倚以爲平也古字阿倚通

長發七章一章八句四章章七句一章九句一章六

句

捷彼殷武奮伐荆楚采

述

入其阻裒

拆

荆之旅有截其

所湯孫之緒

聲上

○維女

汝

荆楚居國南鄉昔有成湯自

彼氏

低

羌莫敢不來享莫敢不來王曰商是常○天命

多辟

必

設都于禹之績歲事來辟勿予禍適責稼穡匪

解

歎叶

○天命降監

兼叶

下民有嚴不僭不濫不敢怠遑叶

命于下國封建厥福

北叶

○商邑翼翼四方之極赫赫厥

聲濯濯厥靈壽考且寧以保我後生○陟彼景山松柏

九九是斷短叶是遷方斲是虔干叶松栢有槌蟬旅楹有閑
寢成孔安

古序曰殷武祀高宗也○此高宗崩三年喪畢祔主
於廟之樂歌頌中興之功而歸於作廟所謂百世不
遷之廟也若玄鳥時祭之歌耳然什先玄鳥而後殷
武何也重服楚以終頌也三代以前王都多在西北
楚地據東南半天下王者南面出治失楚則如面牆
故曰維女荆楚居國南鄉言至近而要也天下有道
則首善焉文王之二南是也無道則首叛焉商周之
中業是也繼世之王有能中興者則天下視此爲向

背焉高宗之殷武周宣之采芑是也孟子云廣土衆
民君子欲之明王不作楚未易撫也有王者起必在
東南是以仲尼不遇于齊魯將遂適荆先之以子夏
申之以冉求徘徊陳蔡之間者垂十年其意常在楚
耳及于西見阻昭王不祿然後反魯刪詩脩春秋二
經聖人心思隱微所寄也春秋重與楚王以楚本易
王也詩十二國不列楚風以楚非一國也天運自北
而南故風始南音頌終歌楚欲有爲而不得爲聖人
未竟之志可思也天下雖安忘戰則危故周公作立
政曰克詰戎兵以陟禹之迹王者先內後外先德後

功始二南而終殷武文武內外之辨也○章一捷然敏疾者殷王之武奮伐荆楚深入險阻裒聚其衆王師所臨截然帖服此湯之孫所以中興承先王之緒業也○章二楚旣服矣戒之曰爾居王國南鄉非遠也昔在湯世自彼氐羌之遠莫敢不來獻享莫敢不來朝見謂此乃商之常禮耳況汝荆楚何敢不至乎○章三荆楚旣平諸侯畏服天命衆君建國于禹功九州內者咸以歲時朝覲之事來見辟王求免禍謫皆曰田野不治則有讓予之稼穡亦匪懈矣庶免禍謫乎其相畏服如此○章四高宗中興非徒恃武功耳天命降

視在於民心故下民可畏賞不僭差刑不淫濫敬天畏民不敢怠違故天命于下國封殖其福使夷夏率附也○五畿內之治翼翼整飭焉四方取極赫然聲譽顯盛濯然靈爽精明中興之業偉矣又其享國長久壽考康寧以能保安我後人也○六功大者廟祀不毀今者作廟升彼高山松柏九九園直斷之于山遷之于肆齊等斷削積之使乾以松爲栴挺然而長欒盤開然均稱廟寢旣成高宗之神甚安妥矣○捷疾貌所謂兵貴神速也殷武殷王之武采深也阻險也衰聚也湯孫卽高宗氏羌西極遠夷也多辟列侯

也。禹績分畫九州，禹之功也。來辟來王也。適，謫通責讓也。降監下視也。嚴畏也。僭賞差也。濫刑過也。高宗享國四十有九年，故曰壽考。後生後嗣也。景，高大也。九九木調直貌。虔，乾，通，積材使乾也。古虔音與干近。凡斬伐曰虔。劉，挺長也。楹，柱也。閑，穩稱也。此與魯頌新廟異，魯更新，此始作也。

殷武六章三章章六句二章章七句一章五句

毛詩原解卷三十六商頌終

毛詩乃備

卷三十一

一

時萬曆丙辰季春吉